

De Meister Gigigampfi

STROPHE 1

C d
nüüd das macht mier soviel Spass wie verusse si
G7 C
ich hoffe eifach d Sunne isch hüt au wieder debi
C d
ich tschuute gärrn mach Fangis und due chriidele uf de Strass
G7 C
au Rollschue fahre Führle und Versteckis macht viel Spass
C d
aber oppis machi bsunders gärrn drum bini veruse cho
G7 C
ich stiige uf fang afa schauckle und flüge wiit devo

REFRAIN

C a
ich riite mit mim Riitiseili ganz ganz wiit devo
d G7
und weni richtig zackig seile hani sogar scho
C a
über alli Seeä gseh über d Wälder und Quartier
d G7
das lufted hesch s Gfühl sigsch de Superman
C G7
das säg ich dier, oh yeah

STROPHE 2

und weni de mal gross werde weissi wasi bi
Profiritiseiler das hed d Wält bis jetzt ned gseh

hätt d'Brülle und Pilotechappe vo mim Opapa
hed d'Läderjagge und en Fallschirm ufem Rügge ah

ja Riitiseile bruucht e huufe Müüs und zünftig Muet
ich schauckle hii ich schauckle här das chani choge guet

REFRAIN

STROPHE 3
ich zie vo Stadt zu Stadt dur die grossi wiiti Wält
im Gepäck mis Riitiseili und es Zirkuszält

d Lüüt zahled e huufe Batze und sogar chli meh
zum d Kunschtstück vom grosse Meischter Gigigampfi zgseh

alli appladiered luut und rüefed: *höcher – wiiter - schnäller*
ich wirble für mis Publikum s gsehd us wie ne Propäller

2X REFRAIN